

Segun Helmin Wiels di partido Pueblo Soberano **Presidente di Banco Central di Corsow a hera crea un problema entre Aruba y Corsow**

ORANJESTAD – *E hecho cu Gabinete Schotte no ta gusta presidente di Banco Central di Corsow Emsley Tromp a keda demonstra e fin di siman aki atrobe ora cu miembro di coalicion di e gabinete Helmin Wiels, mes momento lider di partido Pueblo Soberano a critica e presidente sevetramente den e corant Antilaans Dagblad. Segun Wiels, director di Banco Central di Corsow riba su mes a cuminsa propaganda dolarisacion, y den esei, crea casi problema den e relacion entre Aruba y Corsow.*

Tur esaki a cuminsa ora cu siman pasa e matutino aki a reproduci un declaracion di Tromp manera cu e la keda cita den e corant di St Maarten “The Daily Herald”, unda cu Tromp lo a indica eroneamente cu minister di Finanza di Aruba lo sigui paso di Corsow y St Maarten si esaki dicidi pa dolarisa.

Esaki a crea consternacion necesario tanto na Aruba como na Corsow unda cu tanto Tromp como De Meza a refuta cu nan lo a haci cierto declaracionnan. A bin resulta cu ta Tromp pa ekibocacion a haci un traduccion literal cu den traduccion a haya un otro nificacion. E asunto aki a molestia lider di Soberno Wiels, unda cu

Tromp riba su mes ta papia riba e tema aki. “Nos tin gana di sa cont a para cu nos propio moneda, montante di oro y e funcionamiento di Banco Central en general” Wiels ta laga sa.

Den e corant di Corsow Antilaans Dagblad, Wiels ta puntra su mes na ken Tromp a pidi permiso pa propaganda dolar. “Gobierno ta esun cu ta determina politica monetario, y Tromp su tarea ta pa tene bista riba e trafico bancario, esun di credito y di seguro” Wiels ta sigui bisa.

Wiels ta sigui bisa cu segun Tromp, tabatin un problema enorme ora cu un relacion entre Aruba y Corsow tabatin problema. “E la crea un relacion problematico

entre Aruba y Corsow referente e dolarisacion riba e islanan” Wiels ta bisa. Segun Wiels, e metemento di Tromp den asuntunan cu no ta regarde, ta yega asina den su climax.

Wiels ta sigui bisa cu e caida di e dollar ta yegando y cu na su lugar ta bin e moneda chines esta e Yuan.

“Segun Tromp, un minister na Aruba tambe lo a bise cu Aruba lo a pasa pa dolarisacion si Corsow y St Maarten lo a haci tal. Algo cu gobierno di Aruba a nenga y lo a pidi aclaracion. Gabinete Schotte tambe a pidi aclaracion riba e asunto aki.

Ta un secreto publico cu e gabinete actual no ta simpatisa Tromp pa nada y ta masha tempo nan ta bezig ta buscando algo pa purba deshaci di dje. Como tal no a laga tempo pasa pa usa e ultimo ‘incidente’ aki pa subi lomba di e presidente di Banco Central di Corsow y St Maarten.